




ՈՒՍԱՒՈՐԻՉ



ԿԵՂԵՑԻՆ ՏԱՆ ՄԷՋ



Գ. ՏԱՐԻ, ԹԻՎ 5, Ապրիլ 2020

ԳԱՆԱՏԱՅԻ ՀԱՅՈՑ ԹԵՄԻ ԱԶԳԱՅԻՆ ԱՌԱՋՆՈՐԴԱՐԱՆԻ ԿՐՕՆԱԿԱՆ ԱՄՍԱԹԵՐԹ

ԱՌԱՋՆՈՐԴԻ ԽՕՍՔ

ԽՄԲԱԳՐԱԿԱՆ

ԱԶԱՏԱԳՐՈՒԻԼ ՄԵՂՔԻ ԾԱՆՐՈՒԹԵՆԷՆ



Քրիստոս աղօթելով Իր երկնաւոր Հօր՝ գոհութիւն կը յայտնէ, որ իմաստուն և գիտուն մարդոցմէ պահած է Իր խօսքերը և կը յայտնէ միայն երեխաներուն՝ պարզ ու համեստ մարդոց: Ինչպէս այլ տեղ մը կը հաստատէ՝ «**Լաւ գիտցէ՛ք, ով որ Աստուծոյ արքայութիւնը չ'ընդունիր փոքրիկ մանուկի մը պէս, ինչ պիտի չ'ստնէ**» (Մր 10.15):

Բնականօրէն Քրիստոսի համար հաճելի չէր, որ իմաստուն և գիտուն մարդիկ հոգևորապէս տգիտութեան և խաւարի մէջ կ'ապրէին, բայց ուրախ էր, որ երեխաները՝ պարզ ու համեստ մարդիկ, մէկ խօսքով՝ հաւատք ունեցողները, հոգևոր ճշմարտութեան մէջ կ'ապրէին:

Քրիստոս շարունակելով Իր խօսքը՝ կ'ըսէ, որ «**Իմ Հայրը ամէն ինչ տուած է Ինծի**», այսինքն՝ Ինք Հօրմէ ստացած էր ողջ զօրութիւնը և իշխանութիւնը: Եթէ կ'ուզենք զԱստուած ճանչնալ, մի'այն Քրիստոսով կրնանք ամբողջական ճանաչողութիւնը ունենալ: Քրիստոս աստուածային հրաւեր և կոչ կ'ուղղէ բոլոր հաւատացեալներուն՝ ըսելով. «**Ինծի եկէ՛ք դո՛ւք բոլորդ, յոգնածներ և րե՛տնաւորուածներ և Ես հանգիստ պիտի տամ ձեզի**» (Մտ 11.28):

Ինչ գեղեցիկ և հաւատացեալներուն ապաշխարութեան հրաւիրող կոչ մըն է այս: Երկրաւոր այս կեանքին մէջ ամէն մարդ ծանրաբեռնուած է աշխատանքով մը և յաճախ պէտք ունի հանգիստի, փոփոխութեան և վերարթնացման: Բայց Քրիստոս Իր կոչով երբէք չի փափաքիր, որ մենք դադրեցնենք մեր աշխատանքը, այլապէս մեր կեանքը կը վերածուի դատարկութեան և անիմաստ կեանքի:

Քրիստոս Իր մօտ կը կանչէ բոլոր մեղաւորները, մեղքերով ծանրաբեռնուածները՝ ապաշխարելու, կեանքի ընթացքը փոխելու, Քրիստոսի մօտենալու և Քրիստոսով ունենալու ճշմարիտ հանգիստն ու խաղաղութիւնը. այն հանգիստն ու խաղաղութիւնը, որ միայն Աստուծոյ Որդին՝ Յիսուս Քրիստոսը և աշխարհի Փրկիչը կրնայ տալ մեզի. աշխարհը չի կրնար մեզի տալ այդ հանգիստն ու խաղաղութիւնը:

Ճշմարիտ խաղաղութիւնը և հանգիստը կ'ունենանք այն ժամանակ, երբ ազատուինք մեղքերէ, չարութենէ և ամէն տեսակ աղտեղութիւններէ: Քրիստոս կ'ուզէ, որ Իրմէ ստրվինք, ըլլալու հեզ, սրտով խոնարհ և հոգիով անմեղ՝ նման այն երեխաներուն, որոնք արժանի են ժառանգելու երկնքի արքայութիւնը:

Եթէ կ'ուզենք մեր յոգնածութենէն և րե՛տնաւորուածութենէն ազատագրուիլ, պէտք է մեր ուսերուն վրայ վերցնենք Քրիստոսի լուծը՝ Խաչը: Այդ չի նշանակել, որ մեր կեանքը դիւրին կեանքի կը վերածուի: Քրիստոսի հաւատացողին կեանքի ճանապարհը նեղ ու դժուար է՝ նման Խաչի ճանապարհին, որ կ'առաջնորդէ դէպի Գողգոթա, դէպի գոհողութիւն և նուիրում:

Ընտրութիւնը մերն է՝ ընդունելու Քրիստոսի հրաւերը և Անոր կոչին անսալու: Հաւատանք, ճանչնանք, մօտենանք Անոր, որպէսզի թեթևանք, ազատագրուինք ու մաքրուինք մեղքերէ, և ճշմարիտ հանգիստն ու խաղաղութիւնը գտնենք:

ՎՍՏԱՀ ԸԼԼԱՆՔ, ՈՐ ԱՆՈՐ ԲԵՌԸ ՏԱՆԵԼԻ Է ԵՒ ԼՈՒԾԸ՝ ՔԱՂՅՐ:



Քրիստոսի հրաշափառ յարութեան տօնը ցնծութեան և յաղթանակի օրն է իւրաքանչիւր հաւատացեալի համար, որ տօնին նախորդող ամբողջ շաբթուան ընթացքին, իր Փրկչին հետևելով կրնայ երթալ Գեթսեմանիի պարտէզը աղօթելու, համաձայն կ'ըլլայ անարգուիլ ու ճաղկուիլ Քահանայապետին ու Պիղատոսի պալատին մէջ:

Յարութիւնը յաղթանակի տօն է այն քրիստոնեային համար մանաւանդ, որ գիտէ համբերատարութեամբ անցնիլ խաչի ճանապարհէն և բարձրանալ մինչև Գողգոթա լեռ, սակայն՝ առանց ընկճուելու:

Խաչի ճանապարհի համբերատարութիւնը շատ մը քրիստոնեաներու համար անվերջանալի կը թուի ըլլալ, սակայն Փրկչին՝ Քրիստոսի օրինակը, տառապանքէ ետք հանգստութիւն կը ցուցնէ, խաւարէն ետք լոյս կը ծագեցնէ, մահէն ետք Յարութեան յաղթանակը կը շեփորէ:

Ահաւասիկ Յարութեան Տօնին խրախուսիչ ու ցնծալից իմաստը:


Այս իմաստով, աղօթասաց վարդապետին բառերը ատելի ևս կ'արժևորուին, հաւատացեալին կեանքին մէջ, մահուան վրայ տարուելիք Յարութեան յաղթանակին յոյսի աիշը ներարկելով՝ «**Իր մահովը մահը սպաննեց և Իր յարութեամբ մեզի կեանք պարգևեց**»:

Բարգէն Արքեպիսկոպոս



ԱՒԱԳ ՇԱԲԱԹ


ԱՒԱԳ ՇԱԲԱԹ



Ասագ Շաբթուան առաջին օրը՝ Ասագ Երկուշաբթին կը յատկանշուի չորցած թզենիին դրուագով: Աւետարաններուն մէջ կը պատմուի, թէ Բեթանիայէն դէպի Երուսաղէմ ճամբուն վրայ Յիսուս կը մօտենայ թզենիի մը, անկէ թուզ քաղելու համար: Մակայն անոր վրայ պտուղ չգտնելով կ'անիծէ թզենին: Յաջորդ օրը, երբ նոյն ճամբէն կը վերադառնային, աշակերտները թզենին չորցած կը տեսնեն: Յիսուս թզենիին օրինակին ընդմէջէն կը սորվեցնէ անոնց, թէ ինչ որ հաւատքով ու առանց տարակուսանքի ընեն՝ պիտի կատարուի, նոյնիսկ եթէ լեռան ըսեն ել և ծովը ինկիր՝ պիտի կատարուի (Մկ 11.22-25):

Այս առակով Յիսուս մեզի կը սորվեցնէ անպտուղ թզենիին չնմանիլ՝ դուրսէն կանաչ, սակայն՝ անպտուղ, այլ միշտ պատրաստ ըլլալ ճիշդ ժամանակին մեր կեանքի պտուղը Տիրոջ ներկայացնելու: Նաև կը սորվեցնէ վստահութիւն ունենալ Աստուծոյ նկատմամբ, աղօթքով դիմել և հաւատալ որ պիտի ստանանք մեր խնդրածները:

ԱՒԱԳ ՇԱԲԱԹ



Ասագ Շաբթուան երկրորդ օրը՝ Ասագ Երեքշաբթին, ժողովուրդին մօտ ծանօթ է ՏԱՍԸ ԿՈՒՍԱՆԱՅ յիշատակի օր անունով:

Հարսնիքի մը ընթացքին, տասը կոյսեր, իրենց լապտերները ի ձեռին, մեծ խանդավառութեամբ կը սպասեն փեսային: Տասը կոյսերէն հինգը իմաստուն էին, որոնք իրենց հետ վերցուցած էին յաւելեալ ձէթ՝ իրենց լապտերներուն համար, մինչ միւս հինգը յիմար՝ որովհետև իրենց հետ չէին առած յաւելեալ ձէթ: Փեսան կ'ուշանայ, իսկ կոյսերը քունի կ'անցնին: Ահա փեսան կու գայ, կոյսերը անմիջապէս կը պատրաստուին փեսան դիմաորելու, սակայն միայն իմաստուն կոյսերը կը կարողանան փեսան դիմաորել:

Այս առակով Յիսուս մեզի կը գգուցնէ և կը թելադրէ, որ մեր կեանքի ընթացքին մեր հաւատքի ճրագները միշտ վառ պահենք, արթուն հսկենք, որովհետև ոչ ոք գիտէ Տիրոջ Գալուստին և Յայտնութեան օրը կամ ժամը:

ԱՒԱԳ ՇԱԲԱԹ



Երրորդ օրը՝ Ասագ Չորեքշաբթին, յիշատակի օրն է Քրիստոսի մատնութեան, ինչպէս նաև Մարիամի կողմէ՝ օժման: Յիսուսի տասներկու աշակերտներէն մէկը՝ Յուդա Իսկարիովտացին, գաղտնօրէն կը ներկայանայ քահանայապետներուն և կը համաձայնի երեսուն արծաթի փոխարէն դաւադրաբար մատնելու Մեծ Վարդապետը: Յուդան շատ դրամատէր էր: Ինք Յիսուսի խումբին գանձապահն էր և կը գողնար անկէ (Յհ 12.6):

Իսկ Մարիամի կողմէ Յիսուսի գլուխն ու ոտքերը օծուիլը կը պատահի Բեթանիոյ մէջ, երբ Յիսուս իր աշակերտներով ճաշի հիւրն էր մեծահարուստի մը. և ահա Մարիամ կու գայ և թանկագին իւղով կ'օծէ Տիրոջ գլուխն ու ոտքերը: Յիսուս այս օծումը կը համարէ Իր թաղումին որպէս նշան:

ԱՒԱԳ ՇԱԲԱԹ



Ասագ Հինգշաբթին յիշատակումն է Վերջին Ընթրիքին, որուն ընթացքին մեր Տէրը Յիսուս Քրիստոս հաստատեց Ս. Հաղորդութեան Խորհուրդը, երբ հացն ու գինին օրհնեց և տուաւ իր աշակերտներուն՝ որպէս իր փրկարար մարմինն ու արիւնը:


Ոտնկուան՝ Տէրունի այն արարքը, ուր մեր Տէրը Յիսուս Քրիստոս ծունկի գալով իր աշակերտներուն ոտքերը լուաց, խոնարհութեան դաս մը տալով անոնց:

Իսկ գիշերը՝ Կարգ Չարչարանաց կամ Խաւարման գիշեր, որ յիշատակումն է Յիսուսի մատնութեան, ձերբակալութեան, չարչարանքներուն և խաչելութեան: Այս օրը կը խորհրդանշէ Քրիստոսի չարչարանքներն ու կեանքի վերջին վայրկեանները:



ԱՒԱԳ ՇԱԲԱԹ

ԻՐԱՆԻ ԲԱՐՈՒՄԸ



Աւագ Շաբթուան ամենէն նուիրական ու սուրբ օրն է Աւագ Ուրբաթը, որ իր մէջ կ'ամփոփէ Յիսուսի չարչարանքներուն, խաչելութեան և թաղման խորհուրդները:

Կը պատմուին Քրիստոսի դատուելուն, խաչի անարագ մահուան դատապարտուելուն, մարդոցմէ ու զինուորներէ ծաղրուելուն, խաչը ուսին Գողգոթա բարձրանալուն և խաչի վրայ վախճանելուն մասին:

Իսկ երեկոյեան կը յիշատակուի Քրիստոսի թաղումը:

Եկեղեցիներուն մէջ խորհրդանշական ձևով կը պատրաստուին Յիսուսի դագաղը կամ գերեզմանը, որուն վրայ կը գետեղուի ճերմակ պատանքով պատուած խաչ մը, ի նշան Յիսուսի թաղման: Ծնկաչոք և արտասուալից կ'երգուին «Սուրբ Աստուած... որ թաղեցար վասն մեր» և նաև «Խաչի քո Քրիստոս» շարականները:

ԻՐԱՆԻ ԲԱՐՈՒՄԸ



Աւագ Շաբթի ծանօթ է նաև **ՃՐԱԳԱԼՈՅՑ** կամ **ԽԹՈՒՄ** անուններով:

Մեծ աւետիս է, որովհետև Յիսուս Քրիստոս խորտակած է դժոխքի դոները, Իր մահով մահուան վրայ յաղթանակ տարած, և Իր յարութեամբ՝ մեզի կեանք պարգևած:

Քրիստոսի խաչելութենէն ու թաղումէն ետք ասիկա առաջին պատարագն է, յոյսի ու յարութեան պատարագը, անոր համար բացառիկ հանդիսատրութեամբ կը մատուցուի: Օրուան ընթերցումները կը պատմեն, թէ ինչպէս Աստուած կանուխ ժամանակներէն արդէն ծրագրած էր Իր Որդին աշխարհ զրկել և ամբողջ մարդկութիւնը ազատագրել «եգիպտոսի», այսինքն՝ մեղքի գերութենէն, և մարդոց վերադարձնել ու վերահաստատել աստուածային իրենց նկարագրին և որդեգրութեան մէջ:

Ս. ԶԱՏԻԿ՝ ՅԱՐՈՒԹԵԱՆ ԱՐՇԱԼՈՅՍ



Մեծ Պահքի սուգի, տրտմութեան և ապաշխարութեան օրերը հասած են իրենց աւարտին և քրիստոնէական եկեղեցին մեծահանդէս կը պանծացնէ կեանքի յաղթանակը և մահուան պարտութիւնը:

Ս. Յարութիւնը, քրիստոնէութեան և քրիստոնէական եկեղեցւոյ հիմնաքարը եղող մեծագոյն տօնն է:

Այսօր, Քրիստոսի Յարութեամբ, և մահը կեանքով յաղթելու պատասխանը կը տրուի մարդկութեան միտքը դարեր շարունակ չարչրկած մեծագոյն մտատանջութեան և անլոյծ հարցումին:

Յարուցեալ Քրիստոսով աշխարհը կ'ազատագրուի Չարի և չարին պատճառած մեղքի ապականիչ խայթոցէն և մահուան երկիւղէն: Գտն Աստուծոյ աշխարհ գալուստով սկիզբ կ'առնէ Նոր Կեանքի փրկագործ առաքելութիւնը:

Քրիստոսի Հրաշափառ Յարութեամբ մեր երկրաւոր կեանքին կը տրուի նոր իմաստ, ուղղութիւն և նպատակ: Աննպատակ չենք քալեր ու ապրիր այլևս:

Մեր հետ Քրիստոս կը քալէ, կը պայքարի և մեզ կ'առաջնորդէ կեանքի աղբիւր՝ Աստուծոյ: Երկրաւոր մեր կեանքը այլևս չենք ապրիր մահուան համար, այլ՝ Քրիստոսով:

**Քրիստոս Յարեալ ի Մեռելոց՝
Օրհնեալ է Հրաշափառ Յարութիւնն Քրիստոսի,
Ձեզի Մեզի Մեծ Աւետիս**



ՌԻՍԱԲՈՐԻՉ

Հետևեցէ՛ք մեր աշխատանքներուն՝



Armenian Prelacy of Canada




Armenianprelacyofcanada



Armenian Prelacy of Canada



www.armenianprelacy.ca




ՄԱՆԿԱՊԱՏԱՆԵԿԱՆ

Երբ շիտու մահապալ, վրնի՛ք փարայրի մը մէջ թաղեցին:

Թուանշաններու յազորդականութեամբ կէտերը միացու՛ր, գիտնալու համար, թէ երե՛ք կիները ինչ գրան երբ շիտուսի գերեզմանը այցելեցին:

Այս պատմութիւնը կը գրնես Պուկաս Աւերարանի 24-րդ գլուխի 1-12-րդ համարներուն մէջ:



Ազգային Առաջնորդարան
Armenian Prelacy of Canada
Prelature Armenienne du Canada



514-856-1200
prelacy@armenianprelacy.ca
www.armenianprelacy.ca



Խմբագիր՝ Քրիստափոր Միքայէլեան
3401 Olivar Asselin
Montreal, Quebec H4J 1L5